



## ADRODDIAD I'R CYD-BWYLLGOR

22 TACHWEDD 2017

---

**Adroddiad gan:** Rheolwr Gyfarwyddwr GwE

**Testun:** Ymweliad Estyn

---

### 1.0 Pwrpas yr Adroddiad

1.1 Diweddarau aelodau'r Cyd-Bwyllgor ar yr adborth yn dilyn Ymweliad Estyn yn ystod yr wythnos yn dechrau 16 Hydref 2017

### 2.0 Ystyriaethau

2.1 Cynhaliwyd Arolygiad Rhanbarthol Estyn yn y bythefnos yn dechrau 18 Ebrill 2016.

2.2 Cyhoeddodd Estyn adroddiad ar eu canfyddiadau a oedd yn cynnwys y 6 argymhelliad a ganlyn:

- **A1:** Sicrhau bod y gwasanaeth gwella ysgolion yn gwneud defnydd mwy effeithiol o weithdrefnau data, gosod targedau a thracio er mwyn herio a chefnogi ysgolion i wella perfformiad yr holl ddysgwyr ar draws ysgolion ac awdurdodau lleol, yn arbennig yng nghyfnod allweddol 4.
- **A2:** Gwella ansawdd yr arfarnu wrth gyflawni gwasanaethau gwella ysgolion.
- **A3:** Gwella trylwyrdd trefniadau ar gyfer adnabod a rheoli risg.
- **A4:** Sicrhau bod cynlluniau busnes a chynlluniau gweithredol yn cynnwys meini prawf llwyddiant clir ac y caiff cynnydd yn erbyn y rhain ei fonitro'n effeithiol.
- **A5:** Egluro rôl strategol y rhwydweithiau rhanbarthol a'u hatebolrwydd i'r Cyd-bwyllgor.
- **A6:** Datblygu fframwaith priodol er mwyn asesu gwerth am arian; sicrhau bod cynllun cyllidol tymor canolig yn cyd-fynd â'r cynllun busnes, a bod ffrydiau gwaith wedi eu prisio'n llawn.

2.3 Datblygwyd cynllun ôl-arolwg a'i gynnwys yn y Cynllun Busnes Rhanbarthol.

---

2.4 Ym mis Hydref 2017, ymwelodd Estyn â GwE i adolygu'r cynnydd a wnaed gan y consortiwm mewn perthynas â'r argymhellion a nodwyd yn yr arolygiad.

2.5 Wrth arfarnu'r cynnydd yn erbyn pob argymhelliad, ystyriwyd y canlynol:

- A yw'r consortiwm wedi deall y rhesymau y tu ôl i'r argymhelliad?
- A yw'r consortiwm wedi cymryd camau rhesymol i fynd i'r afael â'r argymhelliad yn llwyddiannus, gan ystyried ei fan cychwyn, yr amser rhwng arolygiad ac ymweliad dilynol, yn ogystal â chymhlethdod y materion i fynd i'r afael â nhw?
- A yw'r consortiwm wedi cael cymorth priodol i fynd i'r afael â'r argymhellion gan ei awdurdodau lleol partner?
- A yw'r consortiwm wedi sicrhau bod newidiadau sy'n deillio o'i gynnydd o ran mynd i'r afael â phob argymhelliad wedi cael eu hymgorffori ddigon yn ei arferion gweithio i sicrhau gwelliant cynaledig?

2.6 Wrth lunio barn am y cynnydd yn erbyn yr argymhellion, bu'r tîm monitro yn ystyried y tueddiadau mewn perfformiad dros y pum mlynedd ddiwethaf fel cyd-destun ar gyfer arfarnu effaith ei waith mewn ysgolion. Fodd bynnag, mae'n bwysig nodi na ellir priodoli deilliannau yn gyfan gwbl i waith y consortiwm rhanbarthol am fod gan bartneriaid eraill yn y system rôl bwysig hefyd.

2.7 Bu'r tîm monitro yn ystyried ystod o dystiolaeth, gan gynnwys cynllunio busnes y consortiwm, arfarniadau, adroddiadau ymgynghorwyr her, gweithdrefnau gosod targedau, asesiadau risg a safbwyntiau penaethiaid.

2.8 Nid yw Estyn yn bwriadu cynnal unrhyw ymweliadau dilynol pellach â GWE. Bydd unrhyw feysydd i'w gwella sy'n weddill yn cael eu monitro'n anffurfiol gan arolygydd cyswllt rhanbarthol Estyn ac arolygwyr cyswllt perthnasol yr awdurdod lleol, a'u hystyried yn ystod arolygiadau o wasanaethau addysg llywodraeth leol yn y dyfodol.

### **3.0 Argymhellion**

3.1 Gofynnir i'r Cyd-Bwyllgor nodi cynnwys yr adroddiad.

### **4.0 Goblygiadau Ariannol**

4.1 Nid oes unrhyw oblygiadau ariannol yn codi o'r adroddiad hwn.

### **5.0 Goblygiadau Cydraddoldeb**

5.1 Nid oes unrhyw oblygiadau cydraddoldeb newydd yn codi o'r adroddiad hwn.

### **6.0 Goblygiadau Personél**

6.1 Nid oes unrhyw oblygiadau personél newydd yn codi o'r adroddiad hwn

### **7.0 Ymgynghori sydd wedi digwydd**

7.1 Ni fu ymgynghori.

## **8.0 Atodiadau**

8.1 Adroddiad ar ail ymweliad Estyn â GwE: Cynnydd yn erbyn yr argymhellion.

---

### **BARN Y SWYDDOGION STATUDOL**

#### **Swyddog Monitro:**

Adroddir ar yr ymateb i argymhellion Estyn yn yr Adroddiad Monitro Cynllun Busnes 2il Chwarter sydd gerbron y Pwyllgor. Nid oes gennyf sylwadau felly o safbwynt priodoldeb.

#### **Swyddog Cyllid Statudol:**

Cafwyd trafodaeth fuddiol a chynhwysfawr gydag arolygwyr Estyn a Swyddfa Archwilio Cymru am drefniadau, risgiau a chynlluniau cyllidol GwE. Cyflwynir sylwadau pellach, fel bo angen, ar lafar yng nghyfarfod y Cydbwyllgor ar 22 Tachwedd.